



Broj: JN-17-06-4-16-2-21-~~19~~/20
Datum: 14.12.2020. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javne nabavke da se nakon sprovedenog otvorenog postupka za nabavku dijelova uniforme Ugovor o kupoprodaji dijelova uniforme zaključi sa ponuđačem «**TEKSTILNA INDUSTRIJA**» d.o.o. Mostar čija je ponuda u iznosu od **2.447.440,00 KM** bez uračunatog PDV-a ocijenjena kao jedina prihvatljiva ponuda.

II

Izabrani ponuđač dužan je da dostavi dokaze o ispunjavanju uslova iz tačke 12. tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Granična policija BiH Odlukom broj: JN-17-06-4-16-2-21/20 od 16.10.2020. godine pokrenula je postupak javne nabavke dijelova uniforme. Na javnom otvaranju ponuda održanom 30.11.2020. godine konstatirano je da su blagovremeno u ostavljenom roku pristigle ponude sljedećih ponuđača:

1. Grupa ponuđača: «ZENKO» d.o.o. Zenica, Lukovo polje 4 (predstavnik grupe ponuđača), "USLUŽNOST" d.o.o. Sarajevo, Ul. Branilaca Sarajeva broj 39, «MILTEX» d.o.o. Banja Luka, Knjaza Miloša bb i "ANTILOP" doo Žepče, Ljeskovića bb sa ukupnom cijenom ponude u iznosu od 1.496.180,00 KM bez uračunatog PDV-a (Preferencijalni tretman Da);

2. «TEKSTILNA INDUSTRIJA» d.o.o. Mostar, Ul. Rodoč bb sa ukupnom cijenom ponude u iznosu od 2.447.440,00 KM bez uračunatog PDV-a -nakon ispravke računске greške (Preferencijalni tretman Da);

Pregledom opšte dokumentacije i dostavljenih uzoraka svih ponuđača, Komisija je konstatirala sljedeće:

Ponuda grupe ponuđača: «ZENKO» d.o.o. Zenica, (predstavnik grupe ponuđača), "USLUŽNOST" d.o.o. Sarajevo, «MILTEX» d.o.o. Banja Luka i "ANTILOP" doo Žepče ocijenjena je kao neprihvatljiva iz sljedećih razloga:

- Pregledom ponude ovog ponuđača utvrđeno je da ponuda ne sadrži Izvještaj (ATEST) akreditiranog tijela o vizualnoj kontroli i laboratorijskoj kontroli dostavljenog uzorka za ponuđeni uzorak cipele poluduboke (čizma) u odnosu na tenderskom dokumentacijom propisane zahtjeve.
- Dostavljeni izvještaj laboratorijske analize i izvještaj o ispitivanju kvaliteta broj: 1414/19 od 6.6.2019. godine koji je ponuđač dostavio na stranicama 98-103 svoje ponude ne odnose se uopšte na predmetni postupak javne nabavke već na drugi postupak javne nabavke koji je proveden 2019. godine.

Takođe i svi ostali dostavljeni nalazi laboratorijske analize i izvještaji o ispitivanju kvaliteta ne odnose se na predmetni postupak javne nabavke (broj obavještenja: 136-1-1-271-3-53/20 i broj nabavke ugovornog organa 17-06-4-16-2-21/20 već na druge postupke javne nabavke koji su provedeni prethodnih godina. Tako su npr. za džempere dostavljeni izvještaj laboratorijske analize i izvještaj o ispitivanju kvaliteta sa datumom 13.9.2016. godine koji nisu relevantni za predmetni postupak javne nabavke.

- Takođe utvrđeno je da je u dostavljenom izvještaju o ispitivanju kvaliteta broj: 1414/19 od 6.6.2019. godine ni utvrđeni parametri nisu u skladu sa predmetnom tenderskom dokumentacijom tako je npr. tačkom 1.5 tehničke specifikacije za plitku cipelu propisano da cipele veličine EU 42 koja je i bila predmet ispitivanja mora imati visinu za nogu od 9 cm dok je u izvještaju pod tačkom 1.5 navedeno da visina gornjeg dijela iznosi 8,5 cm.
- Takođe uz dostavljeni uzorak cipela ovaj ponuđač nije dostavio knjižicu koja potvrđuje informacije o veličini i nošenju, uputama za održavanje i dr. kako je propisano tačkom 1.9. tehničke specifikacije za cipele.

- Ponuda ponuđača «TEKSTILNA INDUSTRIJA» d.o.o. Mostar ocijenjena je kao prihvatljiva iz razloga što je ovaj ponuđač dostavio urednu opštu dokumentaciju, a dostavljeni uzorci su u skladu sa tenderskom dokumentacijom. Prilikom pregleda ponude ovog ponuđača Komisija za javne nabavke utvrdila je postojanje računске greške u Prilogu III – obrazac za cijenu ponude. Pregledom obrasca za cijenu ponude utvrđeno je da je u rubriku popust upisan iznos PDV-a, a kao ukupna cijena bez PDV-a sa popustom upisan je iznos sa uračunatim PDV-om. Od ovog ponuđača zatražena je saglasnost za ispravku računске greške koju je ovaj ponuđač i dostavio u ostavljenom roku pa je konstatirano da njegova ponuda iznosi 2.447.440,00 KM bez uračunatog PDV-a.

Komisija za javne nabavke je dala preporuku da se Ugovor o kupoprodaji dijelova uniforme za potrebe Granične policije BiH zaključi sa ponuđačem «**TEKSTILNA INDUSTRIJA**» d.o.o. **Mostar** čija ukupna cijena ponude bez uračunatog PDV-a iznosi **2.447.440,00 KM**.

Shodno naprijed navedenom prihvaćena je preporuka Komisije za javne nabavke, te je odlučeno kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana prijema odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima (putem fax-a)
- Odsjek za poslove nabavke i logistike
- A/a

DIREKTOR
Glavni generalni inspektor

Zoran Galić
Zoran Galić